



17





HARVARD-YENCHING LIBRARY
HARVARD UNIVERSITY
2 DIVINITY AVENUE

Townsend Conway Lib.
OCT 31 1999

門第九卷目錄

九氣見症

嘔吐血

咯血唾血痰涎血

齒衄

小便血

九竅出血

金瘡出血

血舌衄

血

下血

中血下血



赤水玄珠第九卷

新安生生子孫一奎著輯

氣門

內經曰百病皆生于氣：一也因所觸而為九怒
喜悲恐寒熱驚思勞也故怒則氣上喜則氣緩悲
則氣消恐則氣下寒則氣收炆則氣泄驚則氣亂
思則氣結勞則氣耗

九氣見症

怒氣所至為嘔血為殮泄為煎厥為薄厥為陽厥

為曾滿脇痛食則氣逆而不下為喘渴煩心為消
痺為肥氣為目暴盲耳暴閉筋縱發于外為腫
喜氣所至為笑不休為毛革焦為肉病為陽氣所
甚則為狂

悲氣所至為陰縮為筋攣為肌痺為脉痿男為數
血女為血崩為酸鼻辛頰為目昏為少氣不能
息為泣則臂麻

恐氣所至為破腠脫肉為骨痠痿厥為暴下綠水
胃急為陰痿為懼而脫頤

驚氣所至為潮涎為目震為口喏為痴癩為不省

痺為僵仆久則為瘖痺 瘖音裙 痺也

勞氣所至為噎病為喘促為嗽血為腰痛骨痿為
耳鳴為高骨壞為陰痿為唾血為冥視為耳閉男
為少精女為不月

思氣所至為不眠為嗜卧為昏目為中痞三焦閉
塞為咽嗑不利為痺疸嘔苦為筋痿為白淫為不
嗜食

寒氣所至為上下所出水液澄徹清冷

炁氣所至為喘嘔吐酸暴注下迫

凡此九氣內經以五行相勝之理治之故悲可以治怒以惓惓苦楚之言感之喜可以治悲以譎浪褻狎之言娛之恐可以治喜以遽迫死亡之言怖之怒可以治思以污辱欺罔之言觸之思可以治恐以慮彼忘此之言奪之五者之外炁可以治寒可以治炁逸可以治勞習可以治驚要在審証察脉而施治之不可執一也脉沉實者宜下絃急者宜溫虛細微弱者宜補痛

在上者宜散痛在下者宜利氣虛者宜鎮墜氣結者宜踈順

夫治氣之法惟在適中氣積于中固宜踈順踈導過劑則又反耗元氣元氣走泄則下虛中滿之証生焉故曰踈啓于中峻補于下中滿既除下虛斯實此之謂也

治有餘之症脉沉實而中滿大便秘按之疼則宜下法當用大黃然亦須入桂皮以辛溫和其氣以苦寒泄其實氣得泄越痛亦隨愈

凡用利藥其法有三駛利則用大黃芒硝溫利則用硫黃乳粉瀉積則用巴豆礪砂他如磨積化結聚則以三稜蓬朮為先導引閉塞則以木香檳榔先使溫散凝滯則以姜桂為主踈順暴戾則以蘇橘為宜補虛益氣則以人參白朮為君墜下輔陽者以黑錫養正為鎮

生生子曰治氣之劑東垣有法可準如枳壳利肺氣多服損胸中至高之氣青皮瀉肝氣多服損真氣木香行中下焦氣香附快滯氣陳皮泄逆

氣紫蘇散表氣厚朴瀉胃氣檳榔瀉至高之氣藿香馨香上行胃氣沉香升降真氣腦麝散真氣若此之類氣實所宜設認冷生氣而槩以燥熱投之是以火濟火病日益甚丹溪曰氣有餘即是火乃戒好用溫熱治氣者之悞也

原病式曰氣為陽而主輕微諸所動亂勞傷乃為陽火之化子和河間治喜怒悲恐思之証皆以平心火為主至于勞者傷于動：便屬陽驚者駭于心：便屬火故治皆以平心火為主深中

九卷
五
病情又曰五志過極皆為火也若用香辛散氣燥熱傷氣真氣耗散濁氣上騰猶曰腎虛弗能攝氣歸原遂用降氣鎮墜之劑不悟肺受火炎子氣亦弱降令不行火無所制丹溪有曰上升之氣自肝而出中挾相火其熱為甚自覺其冷非真冷也火極似水積熱之甚陽亢陰微故有此証認假作真似是之禍可勝言哉又曰氣無補法俗論也痞悶壅塞似難于補不思正氣虛者由七情勞傷所致脾土受傷轉輸失職胃雖受穀不能運化故陽升陰降而成天地不交之否清濁相混若不補養邪何由行

脉法

下手脉沉便知是氣極沉則伏瀉弱難愈其或沉滑氣兼痰飲滑者血多少氣瀯者少血多氣大者氣血俱多脉來大而堅者血氣俱實小者血氣俱少

七氣湯 治七情之氣鬱結心腹絞痛

人參 炙甘草 肉桂 各一錢五分 半夏 一錢

姜三片水煎服

指迷七氣湯 治同上

香附 二錢 青皮 陳皮 桔梗 蓬朮 官桂

益智仁 藿香 半夏 甘草 炙

各等分姜三片棗二枚水煎服

縮砂香附湯 調中快氣治心腹刺痛

香附 兩 炒 十 烏藥 五兩 炙甘草 二兩 砂仁 二兩

右為末每服一錢紫蘇葉三片鹽少許沸湯

調下 大便秘陳皮湯下

一方去烏藥加沉香五錢

大七氣湯 治喜怒不節致臟氣不平心腹脹滿

半夏 茯苓 各四錢 厚朴 三錢 柴蘇 二錢

加姜水煎服

木香流氣飲 諸氣痞塞不通胸膈膨脹面目虛

浮四肢腫滿

半夏 厚朴 青皮 紫蘇 香附 甘草 各一錢

錢陳皮二錢桂 莪木 丁皮 大腹皮

麥門冬 檳榔 木香 草果各六分木通八分

藿香 白芷四分茯苓 白木 木瓜 人參

石菖蒲 加姜棗水煎服

秘傳降氣湯 上盛下衰氣不升降頭目昏眩痰

實嘔逆胸膈不快怒則氣上驚則氣亂尤宜

骨碎補 訶子 草果 五加皮 半夏各五分

桔梗五分桑白皮 地骨皮 枳壳 陳皮

甘草各一分 水煎服

陽順氣湯 七情所傷及勞役飲食不節滿悶

短氣恐則氣下者尤宜

升麻 柴胡 陳皮各五分 錢半夏 人參各三錢

黃芪四錢甘草 黃柏各五分 川歸一錢神曲炒一分 錢

草苳仁二錢 每服五六錢姜三片水煎服

蘇子降氣湯 治中脘不快心腹脹滿噎塞喘促

咳嗽痰涎宿食留飲脇下支結及脚氣冲心

方在痰飲門

分心氣飲 憂思留滯致使心胸痞悶脇肋脹滿

噫氣吞酸頭目昏眩日漸瘦弱或大腸虛秘

紫蘇莖葉四兩羌活 半夏 肉桂 青皮 陳皮

桑白皮 大腹皮 木通 芍藥 炙甘草

赤茯苓各一兩

每服五六錢姜三片枣二枚灯心十根水煎

四磨湯 治七情傷感上氣喘息妨悶不食

方在喘門

推氣丸 治三焦痞塞大便澀小便赤黃

方在脹滿門

神保丸 治諸氣刺痛流入背脊及脇下諸藥不

効者 方在脹滿門

檳榔木香丸 踈導三焦破痰飲快氣消食

木香 檳榔 枳壳 杏仁去皮青皮各一兩

半夏曲 皂角去白酥炙 郁李仁去皮各二兩

各為末另以皂角四兩用漿水一碗搓揉成

膏更入熟蜜少許和丸如梧桐子大每服五

十丸姜湯下

九氣丸 治九氣膈氣風氣寒氣熱氣憂氣喜氣

驚氣怒氣瘴氣積聚堅牢如杯心腹疼痛時作時止

姜黃 甘草 香附

為末每服一錢入鹽少許百沸湯點空心服立効

噍氣散 治胸膈痞悶腹脇虛脹氣不宣通及傷

寒兩脇刺痛攻心

三稜 蓬朮煨各五錢 白朮三錢 枳壳一錢 木香五分

每服二錢加姜三片水一鍾半煎八分食前

服用砂糖少許壓下

分氣紫蘇飲 治心下脹滿脇疼氣塞嘔逆不止

方在喘門

勻氣散 胸膈脹滿宿冷不消心腹刺嘔吐

丁香 檀香 木香 白豆仁各一兩 藿香

甘草炙各八兩 砂仁四兩

為末每服二錢入鹽一字沸湯調服

復元通氣散 氣不宣通流利并閃挫腰脇氣痛

茴香炒 川山甲蛤粉炒 延胡索炒 白丑炒

陳皮 甘草各一兩 木香五錢

為末每服二錢熟酒調服 一方加乳香沒藥

清膈丸 因濕熱氣滯

黃芩 黃連炒各五錢 香附半一兩 蒼朮二兩

為末取黃熟瓜萋去皮搗爛和丸菘豆大每

服三五十九

桔梗枳壳湯 諸氣痞結滿悶

桔梗 枳壳各四錢 甘草炙一分 錢生薑五片 水煎服

升降六一湯

香附六兩 藿香一兩

為末每服二錢白湯下

二聖散 諸氣痛

芫花醋煮乾五錢 延胡索炒一兩 二味為細末每服

一錢 男子元臟氣痛葱酒調下

婦人血氣痛川歸酒下 諸氣痛薄荷湯下

小腸氣痛茴香湯下

勝金散 治男婦一切冷氣

烏藥酒浸微炒 茴香炒 青皮去白 良姜分

右為末每服二錢空心溫酒調下

婦人用姜煎童便調服

半夏湯 治上氣嘔吐不能下食

半夏三錢 陳皮 白朮 甘草炙 桂心各五錢 人參

一兩 厚朴二兩 每服五錢 姜五片 棗三枚 水煎服

手拈散 一切氣痛

草果 延胡索 乳香 沒藥 五靈脂酒拌炒

等分為末 每服二錢 好酒調下 一方加良姜

一人病氣上冲口中出如烟霧耳內常鳴此衝脉

逆上與八物湯加炒黃連二分 黃柏三分 數劑而愈

蘇合香丸和劑方 專能順氣化痰并治傳尸骨蒸癆

此書

山瘵卒暴心痛鬼魅瘴癘赤白下痢小兒驚搐症等

沉香 射香研 丁香 青木香 訶梨勒煨用皮

安息香另為末用無灰酒一升熬膏 香附子炒去毛 萆撥

白朮 白檀香 硃砂研飛 烏犀角各一兩 薰陸香

另研 龍腦研 蘇合油入安息香膏內 右末研勻用安息

膏并蜜丸梧子大空心溫水化下四丸酒亦

可

見血

善驚衄吐血又

怒則形氣絕又曰脾移熱于肝則

為驚衄胞移熱于膀胱則癆而尿血又曰結陰

者便血一升再結二升三結三升夫血者生化

于脾總統于心蔽受于肝宣布于肺施泄于腎

灌溉一身陰氣一傷變生多病妄行于上則吐

衄衰涸于中則虛勞忘反于下則便紅移熱膀

胱則癆閉溺血滲透腸間則為腸風陰虛陽搏

則為崩中濕蒸熱淤則為滯下熱極腐化則為
臑血火極似水血多紫黑熱勝于陰則為瘡瘍
濕滯于血則為痛痒隱疹皮膚則為冷痺畜之
在上則為喜忘畜之在下則人喜狂墮恐跌仆
則淤血內凝又細分之則咳血衄血出于肺嘔
吐出于胃痰涎血出于脾咯血唾血出于腎便
血清者屬營虛有熱濁者屬熱與濕色鮮者屬
火黑者火極血與泄物並下者屬有積或絡脈
傷也尿血因房勞過度陰虛火動以致營血妄

行而或者又以此為得之虛寒當以脈別有嘔
吐紫凝血者原病式云此非冷凝由熱甚銷燦
以為稠濁而熱甚則水化制之故赤兼黑而紫
也又有汗血者由夫大喜傷心喜則氣散血隨
氣行故也又下血先見血後見便為近血自大
腸來先有便後見血此遠血自小腸來腸胃中
本無血良由氣虛腸薄故血滲入而從下出也
東垣曰除傷寒家衄血外雜病見血多責其熱
肯哉言乎大凡血上行為逆其治難下行為順

一其治易若血上行或唾或嘔或吐忽變而下行
為惡痢者吉兆也丹溪曰口鼻出血皆是陽盛
陰衰有升無降血隨氣上越出上竅法當補陰
抑陽氣降則血歸經矣

素問曰有病胸脇支滿者妨於食病至則先聞腥
臊臭出清液先唾血四肢清目眩時、前後血
病名為何、以得之岐伯曰病名血枯以得之
年少時有所大脫血若醉入房中氣竭肝傷故
月事衰少不來也帝曰治之柰何復以何術岐

伯曰以四烏鯁骨一蘆茹二物并合之丸以雀
卵大如小菴以五丸為後飯飲以鮑魚汁利腸
中及傷肝也

王海藏云胸中聚集之殘火腹裏積久之太陰上
下隔絕脈絡部分陰陽不通用苦熱以定于中
使辛熱以行于分升以甘溫降以辛潤化嚴肅
為春溫變凜冽為和氣汗而愈也然餘毒土苴
猶有存者周身陽和尚未泰然胸中微躁而思
涼飲因食冷物服涼劑陽氣復消餘陰再作脈

退而小絃細而遲激而為衄血唾血者有之心
肺受邪也下而為便血溺血者有之腎肝受邪
也三焦出血色紫不鮮此重沓寒濕化毒凝泣
水穀道路浸積而成若見血証不詳本源便用
涼折變乃生矣陽証溢出鮮血
陰証下如豚肝
上而血者黃芪桂枝湯 白芍當歸湯
中而血者當歸建中湯 增損胃中湯
下而血者芎歸朮附湯 桂附六合湯
若三血証在行陽二十五度見黃芪四君

子主之

若三血証在行陰二十五度見當歸四逆
加吳茱萸主之

生生子曰按海藏以論雖為傷寒而發實戒用藥
者要認血來本原不可妄治以致變亂夫治血
當明血出何經時師多宗丹溪有曰吐血衄血
多是火載血上錯經妄行越出上竅以論固是
猶有未盡乃所以啓後人過用寒涼之惑也夫
火者無形之氣也非水可比安能稱載蓋血隨

氣行氣和則血循經氣逆則血亂氣有餘即是
火也實由氣逆而血妄行兼于火化因以爲甚
經曰怒則氣逆甚則嘔血暴瘳內逆肝肺相搏
血溢鼻口是也又東垣曰血妄行上出于鼻口
者皆氣逆也况血得寒則凝得熱則行見黑則
止迹以觀之治血若不兼之調氣而純以寒涼
是施則血不歸經而且爲寒涼所凝滯雖暫止
而復來也且脾統諸血寒涼傷脾、虛元不能
約束諸血其變証可勝言哉

素問示從容論曰夫傷肺者脾氣不守胃氣不清
經氣不爲使真臟壞決經脉傍絕五臟漏泄不
衄則嘔

綱目云傷肺即傷氣也當于氣虛不能攝血條
參治

戴元禮云吐血者榮氣溢入濁道留聚膈間滿則
吐血名曰內衄宜蘇子降氣湯加人參阿膠
飲酒太過傷胃吐血用理中湯加青皮梔子乾
葛川芎 勞太過吐血不止蘇子降氣湯加人

參芍藥 打損吐血黑神散童便調服 有時
或吐血两口隨即無事過數日又發經年累月
不愈者宜黑神散吐血發渴名為血渴也或四
物湯十全大補湯量胃氣虛實用之

統旨云吐血先哲皆以為熱其因于寒者理亦有
之何則寒邪屬陰人之榮血亦屬陰古人云風
傷衛寒傷榮各從其類人果身受寒邪口受寒
物邪入血分血得冷而凝則被寒矣在上則從
口而出在下則從便而出若此者實病機之所

有焉得為盡無也但其血色之黑與吐血因熱
極而反兼水化者相似茲則宜于脉証間求之
脉微遲而身又清涼者寒也脉洪數而身又煩
熱者熱也寒則溫之熱則清之治法大不同矣

嘔吐血

生生子曰吐血成碗吐出者甚至有出而盈盆者
丹溪云多是陽盛陰虛故血不得下行因火炎
上之勢而上出脉必大而芤大者發熱芤者血
滯與失血也

又曰有氣虛中寒陰陽不相守血乃妄行而吐出者經所謂陽虛陰必走者是也當用四物理中湯加乾姜甘草煎服中溫則血自歸經矣切不可投苦寒之劑

丹溪云山梔子最能清胃腕之血先吐紅後見痰嗽多是陰虛火動痰不下降四物湯加痰藥火藥先痰嗽後見紅多是痰積熱降痰火為急痰嗽涎帶血出此是胃口清血熱蒸而出重者梔子輕者藍實或暴吐紫血一碗者無事

吐出為好此熱傷血死于中用四物湯解毒湯之類吐血挾痰積吐一二碗者亦只補陰降火四物湯加火劑之類挾痰若用血藥則泥而不行只治火自止吐血乃火病也大吐血不止以乾姜炮黑為末童便調從治喉腕痰血荆芥散妙又云嘔吐血出于胃也實者犀角地黃湯主之虛者小建中湯加黃連主之千金方云吐血有三種有內衄有肺疽有傷胃內衄者出血如鼻衄不從鼻孔出是近在心肺

此書

此書

間津液出還流入胃中或如荳羹汁或如切嫩
血凝停胃中因即滿悶便吐或出數斗至一石
者是也得之于勞倦飲食過常也按韻書鹹音
肺疽者或飲酒後熱毒滿悶吐之時血從吐後
出或一合半合半升一升是也

傷胃者因飲食大飽之後胃中冷不能消化便
煩悶強嘔吐使所食之物與氣共上衝蹙因傷
裂胃今吐血色鮮正赤腹亦絞痛自汗出其脉
緊而數者為難治也

咳血

咳嗽有声而痰内有血者是也或咳出
純是血痰

丹溪云乃火升痰盛 身熱多是血虛四物湯加

減用

丹溪云痰帶血絲出童便竹瀝止之 經血逆行

或血腥吐血唾血菲汁服立効 咯血用姜汁

童便青黛入血藥中加四物湯牛膝膏地黃膏

之類

又方用菲汁童便二物加鬱金研細末合和服之

其血自消

肺大發熱喉中痛者是氣虛用參芪蜜炙黃柏荆
芥地黃當歸韭汁童便姜汁磨鬱金飲之其血
自消以補兼解鬱也

統旨云嗽出痰內有血者名咳血又云嗽血其因
有二熱壅于肺者易治不過涼之而已久嗽損
於肺者難治以已成勞也熱嗽有血宜金沸草
散加阿膠痰盛加瓜蒌仁貝母勞嗽有血宜補
肺湯加阿膠白芨嗽血而氣急者加杏仁痰中
帶血絲者以是陰虛火動勞傷肺臟宜滋陰保肺湯

治吐血

四物湯加童便浸香附一分茜草根二錢等
水煎服二三服立愈

治吐血

大黃末錢一生地黄汁合一

水半鍾煎四五沸服即愈

又方 好墨煨去膠氣為細末每服二錢以白湯化

治吐血暴甚昏運不止

人參兩一為末用鷄子清調如稀糊以匙挑服

盡効五更服之尤妙

治吐血

生地黄五斤搗汁生蜜二斤共以瓦器盛貯鍋內重

湯桑柴文武火熬三日夜取出入人參末四

茯苓末兩六攪勻不拘時服此即瓊玉膏也

又方加入青蒿汁熬膏再加檳榔末一兩以降

其氣使下行也

奇方 治飲酒過多蘊熱胸膈以致吐血衄血

葛花二兩黃連四兩

右為末以大黃末熬膏為丸如梧桐子大每

服百丸温湯下或煎服亦可

辰膠散 治大人小兒吐血

阿膠炒蛤粉各一兩辰砂許少

右為末藕節搗汁和蜜調下食後服

龍腦雞蘇丸 治膈熱咳嗽或吐血衄血

方在火熱門

茯苓補心湯 治心虛為邪氣所傷吐血

方在心痛門

藕節散 治吐衄不止

藕汁 生地黄汁 生蜜五匙 大薊汁各三合

右和勻每服一小鍾不拘時服

拔萃犀角地黄湯 治熱甚而血積胸中

生地黄二兩 黃芩 黃連各一兩 大黃五錢

每服一兩水二鍾煎一鍾食後服

雙荷散 治卒暴吐血

藕節七 荷葉頂七

搗碎入蜜用水二鍾煎八分去渣溫服或研末蜜調下

枇杷散 治暑毒攻心嘔吐鮮血

方在暑門

龍肝膏 治吐血不止

伏龍肝一兩 生地黄 麥汁 小薊汁

藕汁各三合 姜汁一合

入蜜半匙慢火熬成膏 服一匙

世醫

帶補之劑

奇方 治肺損嗽血吐血

生地

取四兩

鹿角膠

一兩炒為末

右以地黄汁拌和每服三錢童便加姜汁少許調下

側柏散

治內損吐血下血或用酒太過勞傷于

內其血妄行出如湧泉口鼻皆流須臾不救則

側柏葉

一兩半蒸焙

人參

荆芥穗

燒灰存性各一兩

為末每服二錢麩一錢新汲水調如糊噉服

麥冬飲子

治吐血久不愈者

五味子

十粒

麥門冬

黃芪

各一錢

當歸

人參

生地黄

各五錢

水煎服

白朮散

治飲食過度負重傷胃吐血

白朮

人參

黃芪

炙

白茯苓

各二錢

炙甘草

一錢

山藥

百合

柴胡

前胡

各六錢

分作三帖每服加姜棗水煎

又方 治同上

理中湯加葛根

鷄蘇散 治勞傷肺經吐紅咽喉不利

紫蘇葉 白茅花 黃芪 生地 阿膠 各二錢

麥門冬 桑白皮 桔梗 貝母 蒲黃 炒

甘草 加姜棗煎服

天門冬湯 治思慮傷心吐血不止

天門冬 白芍藥 麥門冬 生地黃 遠志

藕節 黃芪 阿膠 沒藥 當歸

甘草 各一錢五分 人參 一錢

分作二服 姜三片水煎服

蓮心散 治同上

蓮子心 粳米 各五粒 為末空心溫酒調服

歸脾湯 治思慮傷脾心多健忘其血妄行 或吐或下

白朮 茯神 黃芪 炙人參 酸棗仁 炒各二錢五分

木香 錢一 炙甘草 五分 負眼肉 五枚

姜一片棗一枚水煎服

赤茯苓湯 治大怒傷肝氣逆于胸吐血衄血

赤茯苓 人參 桔梗 陳皮 各三錢 麥門冬

芍藥 檳榔 各一錢五分 分二服 姜三片水煎

丹溪方 治見血後脾胃弱精神少血不止者

人參錢一 黃芪錢二 五味子粒十三 芍藥 甘草

當歸 麥門冬各五分 加鬱金尤妙水煎服

又方 治同上

人參 白朮 茯苓 陳皮各一錢 甘草 川芎

半夏曲各五分 神曲 青皮各三分 水煎服

如胃不和加藿香 渴者加葛根五分

痰結塊者加貝母錢一 黃芩 橘紅各五分

小便赤加黃柏五分 大便燥結加當歸七分

心煩加酒晒黃連五分 小便滑加牡蠣

若見血多去半夏恐燥加生地錢一 牡丹皮五分

莖仁三分 若胃中不足飲食少進加炒山梔

仁五分 若血溢入濁道留叙膈間滿則吐

紅蘇子降氣湯加人參阿膠各五分

上膈熱壅吐血者以四物湯加荆芥阿膠各五分

分更不止于本方中加大黃滑石各五分

胃傷吐血宜理中湯加川芎乾葛各五分 以是

飲酒傷胃也 吐血不止茜根為末用二錢

待冷食後服良

必勝散 治男婦血妄流溢或吐或咳或衄

小薊 人參 蒲黃 當歸 熟地 川芎

烏梅去核各一兩 每服六錢水煎服

大阿膠丸 治肺虛客熱咳嗽咽乾多唾涎沫或

有鮮血勞傷脾胃吐血嘔血並皆治之

方在後咳血門

止血之劑

白芨散 治吐血

白芨末并花水調服每服二錢

地黃飲 治衄血吐血

新生地搗煮日服數升三日愈

此方治經閉効甚

乾姜散 治吐血不止

姜炭為末童便調服

治諸血上行用韭菜汁姜汁童便磨鬱金飲之其

血自清如無鬱金以山茶花代之

又方 用血餘灰三錢 為末冷水調下

治吐血咯血用藕節搗汁飲之

花蓋石散 治勞証五內崩損湧噴血出成升斗

者服之立止

花蓋石煨為末童便一鍾煎溫調藥末三錢極

甚者五錢食遠服如男子病則和酒一半婦人

病則和醋一半與童便和調服之立止其瘀

血化為黃水服以藥後患人又疎解其体却服獨參湯補之

調氣止血之劑

芎附散 治衄吐血不歸經

川芎二兩 香附四兩 為末每服二錢茶湯調下

綱目云治怒氣傷肝氣而嘔血以黃連香附青黛

柴胡甘草平其肝自愈宜服赤茯苓瀉心湯

大七氣湯入川芎煎調蘇合香丸

入方

香附童便浸 北杏仁童便浸去皮尖炒 山梔仁炒 青黛

海粉 瓜蒌仁 訶子 馬兜鈴

為細末入白礬砂少許煉蜜少加姜汁為丸

噲化一丸白湯下

天一丸 此壯水之主以鎮陽元劑也與前方相

兼服治陰虛火動咳血等症世効

懷地黃 牡丹皮 黃柏童便浸 知母童便浸

枸杞子 五味子 麥門冬 牛膝 白茯苓

為末煉蜜為丸梧子大空心白湯吞下八九
十九

天門冬丸 潤肺止嗽治咯血吐血咳血

方在咳嗽門

丹溪鹿黃丸 治酒色過度飢飽失時吐血咳血

痰血神効

枇杷葉 欵冬花 北紫苑 杏仁去皮尖木通

鹿茸炙 桑白皮各一兩 大黃五錢

為末煉蜜為丸臨睡含化

七傷散 治血汚血鬱血熱勞嗽吐血血痰丹溪方

黃藥子 白藥子各一兩 赤芍藥七錢五分 玄胡索

知母各五錢 鬱金二錢半 當歸五錢 山藥 乳香

沒藥 血竭各二錢 為末每服二錢茶湯下

綱目云肺熱此方極有効本草云白藥子黃藥子治肺熱大有功一方紅花當歸煎湯調下

海藏甘桔加阿膠紫苑湯 治肺痿咳唾膿血

方見綱目傷寒咽痛門

羅太無大阿膠丸 治血虛嗽血吐血

阿膠微炒 卷柏 生地 熟地 大蘗 山藥

雞蘇葉 五味子各一兩 栢子仁另研 麥門冬

茯苓 百部 遠志 人參 防風各五錢

為末煉蜜丸如彈子大煎小麥、門冬湯嚼

下一丸綱目云保養精血純補劑也血虛有潮熱者宜之

劫勞散 治肺痿痰嗽痰中有紅線盜汗發熱過

則冷飲食減少 方在咳嗽門

陳日華云有一女子及笄病症甚危百藥不効偶得此只一料除根

羅太無五味黃芪散 治咳咯血成勞眼痛四肢

困倦脚膝無力

麥門冬 熟地黃 黃芪 桔梗各五錢 白芍藥

五味子各二分 人參二錢 甘草一分

每服五錢水煎服一日三服

人參黃芪散 治虛勞客熱肌肉消瘦四肢倦怠

五心煩熱咽乾頰赤心冲潮熱盜汗減食咳嗽

臟血

人參一兩 秦菴 茯苓各二兩 知母二錢五分 桔梗乙兩

桑白皮一兩 紫苑 柴胡各二兩 半夏洗一兩

黃芪三兩 鱉甲去裙酥 每服五錢水煎服

人參蛤蚧散 治二三年間肺氣上喘咳嗽咯吐

膿血滿面生瘡遍身黃腫

蛤蚧一對全者河水浸五宿逐日杏仁去皮尖炒五兩

甘草炙三兩人參 茯苓 貝母 知母各三兩

桑白皮二兩 為細末每日如茶點服神効

海藏云蛤蚧補肺勞虛嗽治久嗽不愈肺間積虛

熱久則成瘡故嗽出膿血曉夕不止喉中氣塞

胸膈噎痛用蛤蚧阿膠生犀角鹿角膠羚羊角

各一兩除膠外皆為屑次入膠分四服每服用

河水三升於銀石器內慢火煮至半升去渣隨

卽微溫細細呷之其渣候服盡再搗都作一服

以水三升煎至半升如前服病人久虛不喜水

當減水蛤蚧係補中有通久嗽不愈者宜之

麥門冬湯 治傷寒後傷肺咳唾膿血胸脇脹滿

上氣羸瘦

麥門冬 桑白皮 生地黄各一兩 紫苑 竹茹

半夏洗 桔梗炒 麻黃去根節各七錢五分 五味子

甘草各五錢

為粗末每服五七錢加棗三枚去核姜三片水煎服

羅太無續斷散 治骨蒸勞熱傳屍瘦病潮熱煩躁喘嗽氣急身疼盜汗兼治咳嗽吐膿血

續斷 紫苑 桔梗 竹茹 五味子 各三錢

生地 桑白皮 各五兩 苺草 炙二兩 赤小豆 半斤

每服五七錢入小麥五十粒水煎日三服

海藏紫苑湯 治咳嗽吐血虛勞症肺痿變癰

方在咳嗽門

本草方云治勞瘵吐血損肺及血妄行神傳膏用

剪草一斤婺台州皆有惟婺州者可用狀如蒿

草又如細辛每用一斤淨洗為末加入生蜜一

斤和為膏以器盛之不得犯鉄九蒸九晒日一

蒸曝病人五更起面東坐不得語用匙挑藥如

粥服每服四匙良久用稀粟米粥壓之藥令服

粥飲亦不可太熱或吐或下皆不妨如久病肺

損咯血只一服愈尋常咳嗽血妄行每服一匙

可也神驗

治肺經嘔咳諸血及痰中有血初生用蘿蔔汁半

盞入鹽少許服之立効如無生蘿蔔用蘿蔔子一錢紫蘇葉一錢同煎服次用鷄蘇散加阿膠

治之

本草云蘿蔔大下氣氣下則血亦下也

經驗方 治咳嗽甚者或有吐血

鮮桑白皮

一斤米泔浸三宿淨刮去上黃皮

右剉細入粳米四兩焙乾同搗為末每服一

二錢米飲調下

本事方 治久嗽咯血成肺痿及吐白涎胸膈滿

悶不食扁荳散

扁荳

生姜

各五錢

枇杷葉

去毛

半夏

人參

白朮

各一分

白茅根

三分

右水三升煎一升去渣加檳榔末一錢和勻

分作四服不拘時候

千金方 治上氣咳嗽喘息喉中有物唾血

生姜汁

杏仁

各二升

糖

蜜

各一升

猪膏

二合

右五味先以猪膏煎杏仁色黃出之以紙拭

令淨搗如膏和姜汁蜜糖等合煎令可丸每

服杏仁一枚日夜服六七次漸次增加

款花補肺湯

人參 麥門冬 各一分 錢 五味子 粒十五 款冬花

紫苑 桑白皮 炒各一錢 當歸 一錢 芍藥 知母

貝母 茯苓 橘紅 各八分 甘草 五分

水煎服

寧嗽湯

五味子 粒十五 茯苓 錢一 桑白皮 一錢 陳皮 壹錢

知母 錢一 馬兜鈴 一分 川芎 錢一 麥門冬 二分

粉草 五分

咯

咯血唾血痰涎血

咯血者喉中常有血腥一咯血即出或鮮或紫者

是也 又如細屑者亦是也治法四物入姜汁

童便青黛之類有咯出痰帶血絲者同治但宜

加痰火藥

唾血者鮮血隨唾而出者是也二者皆出于腎亦

有痰血內積肺氣壅逼不能下降用天門冬知

母貝母桔梗黃柏熟地遠志或加炮姜

生生子曰唾血症曾見二人口中津唾皆是紫黑

血水如猪血之色晦而不鮮形瘦体熱盜汗為
有悌鬱所致如此者年餘治以清痰降火開鬱
等藥或止或發其一乃姪婦也後因注舡大吐
痰涎數碗其症再不復萌由是觀之唾血亦有
木鬱之症不可不知

痰涎血出于脾以葛根黃芪黃連芍藥當歸甘草
沉香之類主之

丹溪曰咯血痰帶血絲出者用姜汁青黛童便竹
瀝入血藥中用如四物湯加地黃膏牛膝骨膠

滋陰保肺湯

黃栢

鹽水炒

知母

天門冬

二錢

當歸

一錢

芍藥

生地

橘紅

紫苑

桑白皮

炒各八分

大粉草

五分

阿膠

蛤粉炒

錢二分

五味子

粒十五

水煎服

